

Date – 11/11/2024

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Tourism Minister Pi Lalrinpuii chuan Chaltlang Tourist Lodge chu 5 star hotel a nih theihna turin midang kuta hlan, outsource an tum tih a sawi.
2. Lunglei Mizoram Polytechnic zirlai te chu an Institution building 7, Sorkar in luahman a pek loh avanga Court in naktuk a kalh dawn avangin vawiin khan zirlai te an Institution Multipurpose hall ah an in thiar lut.
3. Justice Sanjiv Khanna chu vawiin khan Chief Justice of India 51-na atan rinawmna thutiam tira lakluh a ni
4. Jharkhand inthlan thawhkhatna campaign hun chu vawiin tlai khan a tawp.

<><><>

TOURISM MINISTER

Tourism Minister Pi Lalrinpuii chuan Chaltlang Tourist Lodge chu 5 star hotel a nih theihna turin midang kuta hlan, outsource an tum tih a sawi.

Vawiina Aizawl Press Club-a chanchinbumite a kawmnaah he thu hi sawiin Minister chuan khualzinte tana hmasawmna ruhrel tha nei turin nasa taka hma an lak thu a sawi a. Mizoram chu state pakhat ni ve riang ruang si a 5 star hotel a nei lo chu a vei thu sawiin. Plenary, meeting leh business summit liantham dawng ve tur pawhin state in hmunhma a nei lo chu a buaithlak a, hetiang hi Mizoram dinhmun a nih laiin hotel chain lian tak tak ten Mizorama 5 star hotel din duhin an dawr a. Chaltlang Tourist Lodge chu 5 star hotel a nih theihnan outsource mai turin hma an la ta tih a sawi a ni.

Minister chuan hemi atan hian tih tur ang angte an tihfel nual tawh thu a sawi a. Tunah hian bungrua an neihsa te a hlutna hriatchian a ngaih avangin a chhut hna thawk turin PWD department ngen an nih thu sawiin an niin a hlutna chhut hna hi an zawh hunah a hna thawh a dil theih a ni tih mipui hnena puanzarna, Expression of Interest an chhuah mai theia a beisei thu a sawi a, an sorkar chhung ngeia 5 star hotel neih theih a in beisei thu a sawi a ni.

Minister chuan tunah hian project hrang hrang pilgrimage leh heritage tourism tihchangtlunna tur te, meeting leh conference lian Mizoramin a thlen ve theihna tur project te, eco-tourism site a tourist te mamawh siamna tur te, Berawtlang Tourist Resort chei thatna tur te, State chhung thilsiam chhuah zawhna tur Aizawl Haat bakah PM Ekta Mall leh a dangte an buaipui mek thu a sawi a ni.

<><><>

LEITLANGPUI MUSIC FESTIVAL

Tourism Minister Pi Lalrinpuii'n tun thla ni 14 atanga ni 16 thlenga Lungleia Leitlangpui Music Festival atan inbuatsaihna kalpui zel a nih thu sawiin festival chhim turin Mizoram mipuite a sawm.

Vawiina Aizawl Press Club-a chanchinbumite a kawmnaah Minister chuan he thu hi sawiin Leitlangpui Music Festival-a hun hman dan tur sawiin a tan ni, ni 14-ah hawna leh traditional day hman a nih tur thu a sawi a. Ni hnihnaah beat contest intihsiakna neih a ni dawn a, ni thumnaah zaithiamte an fuankhawm dawn a ni. Tlai tin concert a awm dawn thu leh a ni thumna bikah hranghlui zaithiamte nen Leitlangpui Night hman a nih dawn thu a sawi a. Festival-ah hian Museum of Leitlangpui History siam a nih dawn thu a sawi a ni.

Minister chuan kum 1932-a favang awllen laia HW Carter, Mizo in Zochhawni pa tia an koh phurpuinaa Serkawn concert hlu tak an buatsaih zulzuiin Lunglei hming chawiin festival chu buatsaih a nih dawn thu a sawi a. Festival chu tender hmanga outsource a nih thu sawiin Brighter Co. & BBY Animals Event Management Team ten an buatsaih dawn a ti a. Hetihruah hian sorkar tello a buatsaih theih a nih loh avangin Lunglei bawrhsap chairman na hnuaiah organising committee din a ni a ti bawk a ni.

Department hotuten chanchinbumite an hrilh danin he festival atan hian Ministry of Tourism atanga cheng nuai 25, NEC atangin cheng nuai 10 leh an department sum atangin cheng nuai 5, a vaiin cheng nuai 40 an neih mek thu leh, state sorkarah cheng nuai 20 dil belh mek a nih thu an sawi a ni.

<><><>

CYMA

Central YMA chuan vawiin khan Myanmar buai avanga Zohnahthlak raltlan Manipur Jail-a hren mekte chu Mizorama lak chhawn theih dan kawng dap turin Home Minister Pu K. Sapdanga an ngen.

Central YMA hruaitute hi an President Pu Lalhmachhuana hovin Home Minister pisaah an leng a. Tunhnaia Sub-Hqrs. YMA, Champhai huam chhunga Myanmar Raltlante khawsakna In chu, Sawrkar lamin an hman a tul dawn tak avangin, Relief Camp thar sakna tur DM&R Deptt. a senso tur sum an dilna lehkha DM&R Minister hnenah an thehlut a.

Minister chuan thil tul tak a nih thu leh tha a tih thu a lo hrilh a, a rang thei ang bera hmalak dan tur rel turin Committee koh a nih tur thu a lo hrilh a. Myanmar buai avanga Zohnahthlak raltlan, mi eng emaw zat, Manipur Jail-a hren mek te, Mizoram lama lak chhawn theih dan kawng dap tura Central YMA ngenna pawh police lam hotute nen hmalak dan tur an lo sawiho tur thuin a lo chhang a ni.

Central YMA hruaitute hian Village Profile Apps. Lailen Consulting Pvt. Ltd. an siam tir chungchang Home Minister hi an sawipui bawk a. Home Minister hian senso ngai belh tur a awm a nih pawhin, a rang thei ang bera hman theih a peih ni se a lo ti a. Tunhnaia Zirlai Pawl pakhat hruaitu man an awm chungchangah dan chunga leng tumah an awm loh thu leh, hetihruah he thil thleng avanga Mizoram Zirlai pawl leh hruaitute inkarah te, Sawrkar lam nen a inkarahte pawh boruak thalo awmlo tura ram leh hnam ngaihtuahna fim tak nena kalpui a tul an tih thute an sawi a ni.

<><><>

MIZORAM POLYTECHNIC

Lunglei Mizoram Polytechnic zirlai te chu an Institution building 7, Sorkar in luhman a pek loh avanga Court in naktuk a kalh tur a Lunglei Police a hriattir angin vawiin khan zirlai te chu an Institution Multipurpose hall ah an in thiar lut.

Zirlaite hi tunkar Nilainiah Exam tur an ni a, vawiin khan Mizoram Polytechnic Principal leh MSU Lunglei hruaitu ten Court ah zahngaihna an dilpui a, amaherawhchu court hi a thu ah a tawlhkir dawn lo niin kan corr chuan a sawi.

Lungleia kan corr report lo ngaithla ang.

(VC)

Court in Mizoram Polytechnic building a kalhsak tur te hi

1. Main bldg
2. Science block
3. Seminar Hall & Library
4. Fitting & Pumbling workshop
5. Workshop
6. Farm house
7. Store room te an ni.

Kan corr sawi danin, Principal hlui leh he Institution a din tirh atanga lecturer thawk, Er Ch.Malsawma chuan a thawh chung zawng khan mimal ramah Institution hial bldg an sak thu a hriat loh thu leh ram hawh man thinna an dawn a hriat loh thu a sawi a ni.

<><><>

TOURISM

Mizoram Tourism buatsaih, Mizoram District tin te inelna Tour Itinerary Creation Competition ah Serchhip District chuan lawmman pakhatna a dawng a.

Vawiin khan Additional DC Pu Lalrinzuala kaihruiin a lawmna hun buatsaih a ni a, DC Pu Paul L Khuman a hmanpui a ni.

Kan corr report lo ngaithla ang.

(VC)

Tourism Department-a Deputy Director Dr. R Lalrinchhani pawhin he hunah hian thusawiin Serchhip District-in tourism hmasawna atana hmunhma a neih thatzia te, a bik takin Thenzawl chungchang sawiin Sawrkar Laipui Ministry of DoNER hnuaiiah Global Model Site atan Thenzawl chu thlan a nih thu a sawi a ni.

He hunah hian Mizoram Aero-Sports Association President Pu J.Vanlalliana chuan Serchhipa International Paragliding Accuracy Championship neih tur chungchang te, paragliding kaihnawihha Serchhipin Tourism potential a neih thatzia te a sawizau bawka a ni.

Tourism-a Serchhip District-in hma a sawn zel theih nan he programme-ah hian officer rual te leh khawtlang hruaitute, MJA te leh tlawmngai pawl aiawh kalkhawmten sawihona hun an hmang zui a ni.

<><><>

EXCISE MINISTER

Excise & Narcotics Minister Pu Lalnghinglova Hmar hovin vawiin khan Agency hrang hrangte hnena Ruihhlo Dona tur sum cheng vbc 2 sem chhuah a ni a,

Working Committee on Ruihhlo Do kaltlanga he hun buatsaih hi Excise & Narcotics Conference Hall, Aizawlah neih a ni.

Minister chuan sawrkar, tlawmngai pawlte leh kohhrante chu tun aia nasaa an tanrual theih phawt chuan Mizorama ruihhlo chu tihlem theih nia a hriat thu a sawi a, ruihhlo donaa sawrkar tha tichak tura sawrkar hmalakna tarlangin Department tana lirthei ke pali nei 14 leh Two-wheeler 4 sawrkarin a pek thu te, thawktute pawh

a theih ang ang an inlak belh dan te leh District thar pathuma Excise Office a rang lama hawn a nih tur thute a sawi a. Kalkhawmte chu phur leh zuala ruihhlo dona kawnga tan la zel turin a chah nghal a ni.

He hunah hian tlawmngai pawl thenkhat Mara Thytlia Py (MTP), Young Lai Association (YLA) leh Central YMA hruaitute atangin an hmalakna hrang hrang ngaihthlak a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

<><><>

CJI

Justice Sanjiv Khanna chu vawiin khan Chief Justice of India 51-na atan rinawmna thutiam tira lakluh a ni. President Draupadi Murmu chuan Rashtrapati Bhavan-a lakluh inkhawm buatsaihah Chief Justice of India hi rinawmna thu tiamtirin a lalut a. Nimina a hun hmang zo Justice DR Chandrachud a thlak dawn a ni.

Vawiina CJI lakluh inkhawmah hian Vice President Jagdeep Dhankar, Prime Minister Narendra Modi, Union minister te leh Supreme Court judge tanglaite an tel a ni.

<><><>

PM

Prime Minister Narendra Modia chuan India thalaite theihna chuan khawvel pum a hip mek a ti. Vawiina Shree Swaminarayan Mandir kum 200 tlin lawmna Gujarat-a Vadtal-a neih a hmanpuinaah he thu hi sawiin Prime Minister Modia chuan khawvel ram hruaituten India thalaite chu an thiamthil tha tak avangin an ramah thawk turin an awt hle tih a sawi bawk a ni. Pu Modia chuan vawiin hun denchhena cheng 200 thir silver tlangzarh ani leh stamp siam a ni chu lawmawm a tih thu a sawi a. Kum 200 liamataa Lord Swaminarayan-a bul lo tan tawh Vadtal Dham chuan mipuite thinlungah a la nung reng a ni a ti.

Kan Correspondent sawidanin vawiina Vadtal hunah hian sakhaw biakzina tlawh mi sang chuang an kalkhawm a ni.

<><><>

JHARKHAND ELECTION

Jharkhand inthlan thawhkhatna campaign hun chu vawiin tlai khan a tawp a. Political Party hruaituten theihtawpin chhuahin campaign tawp niah beihpui an thlak a ni.

BJP hruaitu senior leh Prime Minister Narendra Modia chuan vawiin khan Jharkhand-a BJP worker-te a kawm a. Double-engine sawrkar chu Jharkhand hmasawna atan a pawimawh thu a sawi a. Palw behchhan veka kal an nih avangin inthlan apiang chu worker-te thawhrimnaah a inngat thui hle a ni a ti bawk.

Hetihlai hian Jharkhand CM leh JMM hruaitu Hemant Soren-a chuan NDA sawrkar chhungin Jharkhand chu ngaihthah a hlawh a ti a. Palamu-a Hussainabad-ah he thu hi sawiin Pu Sorena chuan NDA sawrkar chu an state-a project pawimawh tak takah an ngaihthah a ni a ti bawk.

Jharkhand assembly inthlan thawhkhatna hi naktip nilaini ah neih tur a ni a. Assembly bial 43 ah vote thlak a ni ang. Inthlan thawhnhina hi tun thla ni 20 ah neih a ni thung ang.

<><><>